

EPIGRAMMATA

E gallico sermone à viro canadensi in latinum conversa.

*Tres in caupondâ potabant Martis alumni ;
Cum rixâ strepitus non mediocris erat.
Cum vino fragor augebat : puer hospitis intrat,
Exigit impensas ; ense petitus obit. . .
Oh ! puer est ! perit ! sors aspera ! . . Pereilus irâ
Miles, cur, hospes, vociferaris, ait ?
Nil perdes ; damnum hoc addatur sumptibus. . . ohc !
Chartæ inscribantur vina, lagena, puer.*

*E tardo elicias nota ut argumenta cerebro,
Hortensi, frontem sollicitare soles :
Sed frustra pulsas frontem, appellasque cerebrum ;
Namque tuum caput est non habitata domus.*

*Passus erat morsum à deformi Aurelius angue :
Ecquid mirificum contigit indè, putas ?
Percussus perit, dices, Aurelius. . . . Error.
Disruptâ serpens occidit ipse cute.*

*Ardebat flammis latè se expendentibus ædes :
Antèque erat mulier flebilis atque gemens.
Ebrius exclamat, propè qui titubabat, age, eia,
Tu mulier plorans, num domus ista tua est ?
Ista mea est. . . Ignis tuus ergo ? accendere quæso,
Hunc tabaci calamum fas sit ab igne tuo.*

*Dùm pulsando infert aut aufert folliibus auram
Clericus, et fundunt organa dulce-melos ;
Dentibus infrendens in tractantem organa, clamat :
En psalmum insufflo, cantat hic antiphonam !*

*Auri quidquid habet vorat aut bibit helluo magnus :
Unum vestis habet globulum, trigintaque natus.*

N.B.—C'est ici le lieu de corriger une erreur de copiste, ou une faute d'impression, qui s'est glissée dans une des inscriptions latines publiées dans le numéro d'Avril dernier. A la page 187, ligne 12^e de la troisième inscription, pour *portam*, lisez *palmam*. Lisez aussi *inglorius*, au lieu d'*inglorious*, à la ligne 1^{ère} de la première inscription.